

Dikgoreletsi mo thapelong

Dibe tse di sa ipobolweng ka maikaelelo (Pes. 66:18; Jes 59:1-2)

'Fa nkabo ke akantse boikepo ka pelo ya me, Morena a ka bo a sa utlwa.' (Pes 66:18)

'Bonang letsogo la Morena ga le lekhutshwane, mo le ka palelwang ke go go thusa, tsebe ya gagwe ga e a thibala, mo e sa kakeng ya utlwa, Mme ditshiamololo tsa lona di lo lomologanya le Modimo wa lona, maleo a lona a lo sira sefatlhego sa ona gore o seke wa lo utlwa.' (Jes 59:1-2)

Tirelo-medimo-Tumelo e e feteletseng (Hes 14:3)

'Morwaa-motho, banna bao medimo e e maila ya bone ba e tlotlomaditse mo dipelong tsa bone. A ruri ba ka mpotsa, ka ba fa karabo?'

Lefufa le keletso (Diane 21:13, 1 Tim 6:10)

'Yo o thibang tsebe gore a se utlwe go goa ga yo mmotlana, le ene e tla re a goa, a seke a utlwiwe' (Diane 21:13)

'Gonne bopelotshetlha ke modi wa masula otlhe, e rile batho ba bangwe ba ineela mo go jona, ba fapoga tumelo, ba iterela matlhoko a mantsi' (1 Tim 6:10)

Go se dumele le pelaelo (Joh 16:9, Jak 1:6-8)

'boleo, e le go sa dumeleng ga bona mo go nna' (Joh 16:9)

'Mme a a kope ka tumelo, a sa belaele sepe, gonne yo o belaelang o tshwana le lekhubu la lewatle le le kgweediwang ke phefo, le rutlarutlwa. Kana motho yoo a seka a itlhome gore o tla amogela gongwe mo Moreneng, ka e le monna yo pelo-pedi, yo o akgaakgegang mo ditseleng tsotlhe tsa gagwe' (Jak 1:6-8)

Go se itshwarele le letlhoo le le feteletseng (Math 6:14-15)

'Gonne fa lo itshwarela batho ditlolo tsa bona, le lona Rraeno wa legodimo o tla lo itshwarela. Mme fa lo sa itshwarele batho ditlolo tsa bona, Rraeno le ene ga a kitla a lo itshwarela ditlolo tsa lona.'

Maitsholo a a seng mantle kgatlanong le molekane wa gago (1 Pet 3:7)

'Le lona banna, agang le bone ka tlhaloganyo, ka mosadi a bopegile bokoa, mme lo ba neye tlotlo, ka e bile e le ba ba ruang bopelotlhomogi jwa botshelo mmogo le lona, gore merapelo ya lona e seke ya kgoreletsega.'

Boikgokgomoso Boikgantsho (Jak 4:6)

Mme o naya boitshwarelo jo bogolo bogolo, ke ka moo o buang o re: 'Modimo o ganetsa boikgodiso, mme baikokobetsi o ba naya bopelo-tlhomogi.'

Maikaelelo a lefufa mo thapelong (Jak 4:3)

'Lo a rapela mme ga lo amoge sepe, ka gonne lo rapela ka mokgwa o o bosula, gore lo tle lo senye dilo ka bofafalele mo dikgatlhegong tsa lona.'

Moya wa kganetso o o tseneletseng (Math 7:1, Baroma 14:10)

'Lo seka lwa athola, gore lo se atholwe.' (Math 7:1)

'Mme wena o beelang ngwana wa ga Rraago molato? Gongwe le wena o nyaletsang ngwana wa ga Rraago? Gonne rotlhe re tla ema fa pele ga sedulo sa katlholo sa Modimo.' (Baroma 14:10)

Go se leboge (1 Bathes 5:18)

'Lebogang mo dilong tsotlhe, gonne moo ke thapelo ya Modimo mo go Jesu Keresete ka ga lona.'

Fa o itlhoboganya le go busa ka botlalo (Lef 6:4-5)

'Fa a leofa jalo a nna molato, gona a a buse tse o di amogileng gongwe tse o di bonyeng ka kgatelelo gongwe tse o di neetsweng go di boloka fa go ene, gongwe tse o di thweetseng di latlhego; le fa e le sengwe le sengwe se o ikanneng ka maaka ka ntlha ya sona; a a se buse ka botlalo, a ba a se oketse ka karolo ya botlhano ya sona, a se neye mong wa sona ka letsatsi la setlhabelo sa molato wa gagwe.'

Go rata lefatshe le tsa lefatshe (1 Joh 2:15)

'Lo seka lwa rata lefatshe, le fa e le dilo tse di mo lefatsheng. Fa mongwe a rata lefatshe, lorato lwa ga Rara ga lo yo mo go ene.'

Fa o sa rapele ka Leina la Jesu Keresete (Joh 14:14)

'Fa lo kopa sengwe ka leina la me ke tla se dira.'

Fa o sa rapele go ya ka mo thatong ya Modimo (1 Joh 5:14)

'Mme namatshego e re nang nayo mo go ona ke go re o a re utlwa, fa re kopa sengwe ka fa go rateng ga one.'